

大復集

二



和 16
1205
2



皇播告在庭不自
是將
皇恤命
不自

大復集卷第四

都指揮婿袁燦刊

古詩六首

皇告

皇告頌開 詔也 歲乙丑中夏 皇帝告

萬國朕祇命 上帝乃御至極 其與民更

始改元曰正德 爾萬方欽哉 其宣播無遷

八月至貴 其日載賜 龍旂既翔 龍幄既張 大小

肅肅乃於郊

正庭皇皇恤命
不自

茶苦既醜既
加芥斯辱羅
凶年。

嗟我貴庶萃

每罹凶年春茲

皇仁如天如春如草斯植莫不敷宣

春蠶蠢苗民浩浩炎邊是俾是承亦共戴天黑

齒髮椎執弩被纒載歌且誰皇帝萬年

皇告三章二章章八句一章十句

澌之水

羅生之辭予歸澌江也予作澌之水三章

澌之水可以方可以舟子之歸矣可以斯游

澌之水可以河可以海子之歸矣可以斯邁
澌水有岸白石有爛斯邁斯遊樂也永嘆

澌之水三章二章章五句一章四句

中林之棘

中林之棘送崔子也

中林之棘維桃與李阪田之特生也曷以民之

無壽曷其有已

王事皇皇

戎居煢煢我心

駕言徂行念子
出宿我居裝

与子同伍。

之邁與子同
行野蹶蹶行國邁邁無草不茂無穀不潰民之
瘁矣心憂用喟
彼魚之噍在彼河梁彼兔之置在彼河側豈不
是思進退維極
同賈知貪同食知其子諒子懷如口弗爽子之
有懷子豈不諒
火之方殷不戒胥燼水之方割不戒胥溺火之

方殷乃仇樸滅水之方害棄其舟楫
有滄斯雨有霰斯雪如履堅冰乃尚思熟衆方
媚矣莫敢獨說如處大廈俟其顛覆
謂人弗言言成禍矣謂人弗職職成過矣孰無
朋友倡誰和矣
子曰弗仕子有父母予曰弗仕兄弟詆予天
子則不罪朋友弗取

九章七章

中林之刺九章

平六句二章章

八句

原有楚

原有楚贈韓子也

原有楚隰有若子車駟牡駕言徂矣見子之父

原有杻隰有蓼子車駟駟駕言遊矣見子之母

原有桑隰有唐子車駟黃駕言行矣見子之兄

子涉渭矣渭水泚泚我思見子安得北流

子涉渭矣渭水沛沛我思見子安得北逝

原有楚五章三章章五句二章章四

句

淮水

淮水送張子也

淮水湯湯伐鼓鏜鏜之子南征行夫不遑

有翩者燕集於堂巢我日不謂而旬不朝征夫

况瘁誰使告爾勞

誰經營四方誰高門孰翔誰粲粲衣裳誰餓渴

載行

辰月弗震乾月維震視天之成威伊胡云霄弗問
則退問言誰對唐

敬我友矣式相求矣詢於道周維教言是由母
瑣言是謀毋戲言是流

桓桓之羅免罹于羅如彼弋鳥維恐不加無執
猫狸而舍彼虎豺

我視人之疚如裁我躬勿曰行弗勳勿曰言弗
用勿曰我寡憚彼有衆

矢詩弗頌維云諷矣伊誰之送孝友張仲

淮水八章三章章四句五章章六句

秋風

秋風諷也

秋風厲厲中園有卉不植松與檜柰彼蕭艾
秋風飄飄中園有條不植松與檜柰彼艾蕭

秋風二章章四句

大復集卷第四

倚柱操者魯漆室女之所作也漆室女倚
柱悲吟鄰人問曰欲嫁之女曰吾憂國傷
人心悲而嘯豈欲嫁哉遂自經而死子哀
其志援琴而托其聲焉

兔則有罝兮鳥則有羅國無人兮將奈何心之
憂兮豈曰子未有室家嗟嗟室家非我營兮我
生曷榮兮

戰城南

戰城南○戰不息○朝戰城南○暮哭城北○積尸壘壘○
肉腐鳥不食○放馬澤中○雪波馬跡○沙寒草枯○不
得馬肥○北風夜吹○胡兵四圍○我欲上馬○馬瘦不
馳○我欲射箭○弓硬不開○但語城中○親汝出收我
骸○戰城南○君莫悲○猛虎啣人○翔於山垂○欲食虎
肉○不避虎威○男兒立功○橫行四夷○生當封公侯
死當白骨歸

巫山高

巫山高極青冥間○翠綰參差十二鬟○神女仙裙
佩纓動○行雲飛入荆王夢○含情流盼輕煙中○玉
床瑤枕薦君宮○紫羅白縠垂香風○恍惚竟散莫
與同○微霜銷落高丘樹○哀猿孤吟鳥雙去○荒淫
淪滅竟何爲○暮雨冥冥歸古祠

芳樹

芳樹離離朱華而綠滋○華滋雖云好○秋風暮來
吹○秋風不足○卹華滋○亦有時○嗟汝枝上鳥○汝去

將安歸○美人何方至○貽我江上華○秀彩奪人目○
胡為在天涯○天涯雖榮好○不如常在家○

關山月

關山月○夜照青海頭○白骨征人怨○紅顏少婦愁○
少婦含頻望月來○月明流影洞房開○歲暮機中
纈素出○夜寒燈下剪刀催○年年搗衣明月○
月還隨隴水流○閨裏空教看破鏡○沙場不見大
刀頭○

琳池歌

琳池歌者漢昭帝之所作也

木蘭為檝○文梓為船○青荷為蓋○衣紅蓮宮娃側○
坐揮斂絃○淒風消媚○飄素秋○飛花委葉○承波流○
霜露夜下不可留○

招商歌

招商歌者靈帝之所作也

高館閨兮曲池通○乘舟夜逐荷葉東○持荷作蓋

不障風持荷作衣難爲縫金瑄玉鳧響秋空歌
婉聲長待夜終

公無渡河

公無渡河河濁不見日汝今欲往何時出公無
渡河河廣浩無涯往而不返化爲泥與沙夸父
渴走成鄧林至今丘塚猶岑峯河中蛟龍見人
喜縱有舟楫誰救爾噫嗟嗟公無渡河渡河而
亡不如陸死噫嗟嗟公無渡河

明妃引

明妃絕色世無鄰粉黛那數三千人咫尺宮門
接前殿君王只向圖中見當時自恃如花容美
醜誰知由畫工單于日近漢日遠萬里風沙魂
不返琵琶馬上再三彈翠袖朝啼關塞寒皓齒
明眸空胡地千秋遺曲猶悲酸燕支暮雲白浩
浩胡兒吹笳雪飛早山前孤塚高差峩歲歲春
風長青草古來抱節本難遇况復蛾眉人所妬

君不見長門宮不用黃金買詞賦縱有朱顏君
不顧

短歌行

冉冉秋序肅肅霜露蓄我旨酒召我親故鳥歡
同林水歡同源矧我同鄉胡能弗敦耀靈西藏
明燈在室更長夜良可以繼日園有藝菊庭有
樹蘭秋芳是悅春榮曷觀高陵可升海水可測
出門異路安知南北生年幾何去者日多子不

我樂聽我短歌

銅雀妓

墓田望不極松栢夕離離存生有歡怨亡沒詎
同思井幹日已摧總帷寧復施哀榮互相謝身
後徒爾為

苦寒行三首

天地黯閉塞冰霜皓崔巍寂寥高城側鬱律見
古臺烈風夜中起飛雪千里來鳥羽沉不施獸

口噤不開虎豹飲穴窟蛟龍俱凍埋六龍銜白日寒苦光不迴

二

石裂南山下水結中河流莽莽北郭外死骨聚如丘貧士被毛褐寡婦無完裯寧知貴公子絲竹宴朱樓方辭白羽扇更御青羔裘

三

天風日夕厲海水不揚波飛雪被千里層冰白

峩峩嗟汝窮閭人無衣當奈何錦裘長安兒白馬鳴玉珂象弧插彫鬣射獸西山阿

塘上行

蒲生寒塘流日與浮萍儔風波搖其根飄轉似客遊客遊在萬里日夕望故州鷓鴣鳴歲暮蟪蛄知凜秋暑退厭締絀寒至思重裘佳人不與處圓龜忽四周房櫳淒鳴玉純素誰爲收白雲如車蓋冉冉東北浮安得雲中鴈尺帛寄離愁

放歌行

勝

天命諒靡易富貴安足陳自昔慕豪勝重義還
輕身整轡逾葦洛驅車入咸秦立觀青雲上馳
步要路津射策報明主投書干大臣身為五侯
客家與七貴鄰杯酒縱經過冠蓋羅逡巡顧盼
生光彩吹噓借陽春各矜意氣好自比骨肉親
時事多變異交道亦湮淪要盟等金石棄擲同
灰塵赤心不足恃白頭更如新歸來嗜藜藿偃

仰隨松筠始知葵槿耳不若蘭桂辛願從白屋
士請謝玉堂賓

鴈門太守行

墨壘高山莽莽代谷城邊風起沙漠漠城內惟
聞奏胡樂太守下車買牛息戈陶民禮義朝絃
暮歌此歷黃沙磧南遊白草原五馬何秩秩朱
英道文軒嗟哉太守亦孔武時時較獵西山下

梁甫吟

一本作君不見泰山
山高高梁甫在其半
其半古未封檀
禪地無宮館

君不見泰山高梁甫在其半
古來封禪無宮館
巖崩壁折鐵鎖斷
秦碑漢碣何人看
自從生人開九州
九十六帝行權謀
虎豹啖食龍蛇憂
朝翻暮覆作雲雨
立談坐笑生戈矛
鬼神來往仙不死
塵埃萬變扶桑流
君不見田疆論功辛二
桃齊門三丘埋野蒿
又不見魯連辭賞輕千金
却秦救趙何雄豪
眼前無人辨曲直
前後聲名更何益
拂袖空憐蹈海心
護車枉負排山力
梁

生五噫歌莫哀
東絕梁甫觀蓬萊
千年雲間錦綉壁
五色日抱金銀臺
瀛洲方丈列仙占
文成五利何能驗
徐生入島竟不回
博士儒生盡坑斬
我吟梁甫君振衣
世路崎嶇多是非
琅玕芝草海岱曲
釣竿拄杖從今歸

黃鵠歌

請君勿諠譁
奉君黃鵠歌
黃鵠一飛去
翱翔天之涯
我欲致此鳥
雲中無網羅
女得生羽翼
從

彼凌丹霞山川遼以邈不歸當奈何

鳥夜啼

啞啞鳥啼宮井霜殘月半落明星光城頭吹笳
已復罷宮中擊鼓殊未央

採蓮曲三首

青荷晝舒白露晞朱光照耀含素粧綠房翠蓋
偃參差紅粧皓腕映漣漪齊聲一氣歌豔辭桂
舟蘭楫紛屢移佳人羅帶宜風吹

二

岸上有柳隰中有荷舟中女兒勝吳娥爲君先
唱綠水歌起攬長帶垂織羅鴛鴦雙棲翡翠過
下渚日暮多風波葉密花稀愁奈何

三

急歌太短緩歌長清風夕回素雲翔雙鳧飛起
向橫塘荷花不言空斷腸明月宛轉流西方月
中白露沾衣裳紅顏青鬢安能常萬歲爲樂莫

相忘

獨漉篇

獨漉獨漉驅車折軸不畏折軸但畏車覆茫茫
者猶生彼中衢雖有蘭蕙當門則鉏同行竊金
相顧道左我實不知彼則畏我食荼知苦食梅
知酸孤裘之敝可以禦寒有虎班班伏于林下
我欲射虎愧無勁弩肅彼北風渡彼中流豈不
懷憂與子同舟

白紵歌七首

齊紈越羅霜雪輝吳刀并剪為君裁鳴璫垂佩
行相催且步雲館升月臺珠纓列座瓊筵開秦
箏慷慨趙瑟哀含凄歛嘆君莫猜

二

一作

鳳樓十二連繡衢雕楹刻桷耀城隅朱檠絳蠟
豔紅蕖金盤玉饜奉君需美人隔坐曳華裾主
稱萬年為歡娛上客翠蓋停踟蹰

三
千金買笑萬金買歌明珠白璧豈足多長眉窈
窕揚秀蛾輕身起舞垂紅羅悲絃急管鳴相和
三星低戶月沉波銀箭金壺柰夜何

四

吳娥白紵爲舞衣鑷花綴葉紛穢蕤青春爛熳
白日暉輕帶一舉長袖施皎如流霞隨風飛游
龍宛轉翔鵠迴傾城絕代人共看

五

手中色絲舊所治青紅碧綠當自知衆中不語
心向誰感君厚恩私念之東流之水不西馳秦
山在前不可移紅顏白首奚足辭

六

北里搥鐘東鄰撻鼓吳歛越吟邯鄲舞恩義如
山金如土遺簪墮珥不復數窮冬夜長樂未闌
流風迴雪滿楹前不惜皎潔爲君妍

白玉瑣闥黃金堂。蘭煙蕙火薰象床。雕屏羅列
組帷張。教系膏列炬舒華光。橫簫挾瑟步曲房。朱
唇素齒發浩倡。願為比翼雲間翔。

苦熱行二首

火雲崢嶸連赤阪。白日苦長不得晚。庭前井乾
生赭煙。炎埃上起高塞天。候家陰洞帶流水。紗
帷當晝淒風起。美人水盤薦朱李。道上行人多

當作白

惟

渴死

晝眠苦多蠅。夜眠苦多蚊。炎霞熱露蒸。網罟四
體拘。促何由。神仙桂宮接。蘭苑下。望青松。踏
幽巖。我欲從之諒。非遠塵世何堪。遂仰偃。

鳴鴈行

鳴鴈鳴斯其音。嘹嘹江路遠。遙念汝離漂。鳴鴈
于飛。蕭蕭其羽。遵彼脩渚。實維汝所。洞庭增波。

沙朔多風何寧往來無卹爾躬飛斯鳴斯求蒲
與稗無俾霰雪及爾逝邁高山有石高水有枝
我思我朋嗟哉可遺

行路難四首

牀有織綺篋有織素請君視綺還視素憐新不
如莫棄故罇中有酒盤有殮聽我爲歌行路難
衆中歡樂多志氣豈知他人不得意白日有時
不照地安得保君常不棄

二

天河熒熒西北轉牽牛織女不相見由來天上
亦別離何怪人間有悲怨世情磷薄惡衰賤駕
車騎馬有人羨少年不得君愛惜紅顏勝人亦
何益

三

高樹鳥不集常有東西南北風君子衆所畏好
惡不合常相攻拔劍欲有適前有虎兕後虺蜮

抵節徒歌行路吟高飛未有橫天翼

四

我發行路歌諸君請勿譁嚴冬霜雪雖可畏三
春草木自榮華人生富貴各有時不勞辛苦更
咨嗟百年冉冉寧復多白日速如東流波眼中
世事只如此生前不樂將奈何

棗下何纂纂

種棗北墻下棗熟委路衢行人競取食居者守

空株憶昔棗初赤傾路且停車棗當今日盡誰
能少踟蹰天命誠不易榮落互相渝功勳本積
累傾奪在頃臾矜我棗下言貧賤可久娛

大復集卷第六

樂府雜調四十一首

俠客行

朝入主人門。暮入主人門。思殺主仇。謝主恩。主
 人張燈夜開宴。千金為壽百金饌。秋堂露下月
 出高。起視廡中有駿馬。匣中有寶刀。拔刀躍馬
 門前路。投主黃金去不顧。

河水曲

Blank manuscript page with vertical lines.

河水何濺濺○暮采河邊蘭○君隨河水去○我獨立
河干○

車遙遙二首

馬立車遙遙○望望車塵滅○但聞上車語○不得下
車別○

二

寒鷄喔喔知夜半○隣翁舂梁婦炊飯○僕夫聞雞
趨車起○欲明未明行十里○火輪飛出扶桑霞○羲

趣

僕

常作長

和騎龍鞭日車○君首日亦無閑時○我車安得常
在家○

隴頭流水歌三疊送劉遠夫行

我欲望長安○隴坂高蔽天○隴坂高可陟○隴水鳴
濺濺○

二

盤盤上隴車○班班下坂馬○我騎虎與兕○使我行
曠野○

長安有高楼不見隴西州
可憐隴頭水日夜東
北流

下陵曲

一作上陵有風雨下陵
有星露

上陵風以雨下陵月星露
不見西陵宮但見松
栢樹朝行西山曲暮至長安道
長安車馬多風
吹陵上草

直路行

直路難行直言難受邪徑捷足
莠言悅口直言
如矢聞者畏憚如射曲巷鮮不
折幹直路坦坦
不可避難大夫史魚死以尸諫
汲黯抗言不冠
不見輪扁之言桓公是悟焦不
避烹秦皇靈怒
猛虎在前不為我言虺蛇在後
不為我告二世
自問遭害于宮親君怒御枕塊
道中不忍其憚
寧恕其亂苟畏爾耻必視爾死
如藥弗潰其疾
必遂如失不直下能貫革小人
惡直君子是持

神之聽之終復其瞿

海山謠

斷鰲立浪海水裂
蜃魚食日日五色
海中靈氣變莫測
白晝滔更風雨黑
彭祖天巫咸滅龍伯
死精衛絕山亦可掙水可塞

秋江詞

煙渺渺碧波遠
白露晞翠莎
晚泛綠漪兼葭淺
浦風吹帽寒髮短
美人立江中
流暮雨帆檣江

立一作江

上舟夕陽簾櫳江上樓
舟中採蓮紅藕香樓前
踏翠芳草愁芳草愁
西風起芙蓉花落秋水魚
初肥酒正美江白如練
月如洗醉下煙波千萬
里

琵琶怨

美人竹間亭
虛簾空月華
相思湘江曲
淚竹生斑
斑花開為誰好
花落不復掃
出戶見春風
低頭怨芳草
坐彈五十絃
起視江月殘
秋絃不堪

聽手澁金鴈寒一彈正淒切再彈轉嗚咽三彈
撥幽腸聲亂冰絲結西風吹芙蓉一夜落舊紅
豈知瑤瑟音能消青鏡容

黃頭郎

黃頭郎爾母侮殿上天子隣府中丞相怒爾雖
有銅山運去銅如土黃頭郎爾母侮

竹枝詞

十二峯頭秋草荒冷煙寒月過瞿塘青楓江上

孤舟客不聽猿聲亦斷腸

采葛篇

野風吹葛葛逾好綰霧縈煙青嫋嫋豁迴水白
雲石蒼石根引葛百尺長越婦腰鑷赤雙足褰
裳行歌入中谷朝日未出霧露寒花斂系葉密林
投難年年續絲作締絡奉以服君君莫歎君知
衣葛好不知採葛苦白日畏逢蛇月黑畏逢虎
君不見吳王宮中細腰女日向歌筵着白苧

霹靂引

石湫黝黝黑雲夕蛟龍夜起隨霹靂盤空殷地
出絕壁驟雨飄風怒相擊空中將將下矢石十
戈萬馬俱辟易飛鳥墮地委如積古檜長松盡
遭辟吁嗟乎阿香深山巨海胡弗往短域脩虺
無題

刺促篇

刺促刺促井燎不續雖有場苗室則靡粟羅雀

務獲不言其多見彼淵鱗或言其苛號夫逐鹿
坐者食肉苟一需百百爾莫足譬彼乘車弗率
坦野驅馳不已或敗爾馬河有伏罟蛟龍去之
相彼有明孰逢其災前有鼓樂後有冠次方言
方笑不敢以告執鼠不力或傷其手彼虎彼兕
矧不以走有蓬其樹其腹之枵豈不休息維顛
在朝

處州別駕行

處之地山水迴。處州別駕賢且才。別駕來郵吏
馳騎連連鼓雷雷。城門大開別駕來。別駕來御
駟馬雙麾在前。高蓋娜娜入有列戟。出有負弩。
吁嗟別駕才且武。江之水去悠悠。兩帆揚別駕
舟處人來迎。申人留嗟別駕安。以適彼安。以去
我。

種瓠詞

種瓠東園內。瓠葉從風翻。綠帶飄長帶。素花密

以繁。雖無百尺根。枝蔓自纏綿。雨露冒時澤。陽
暉被朝暄。竊比女蘿草。附身托高垣。綠畛齊結
食。豈貴充腹殮。願為連理杯。長以奉君歡。

雙燕篇

一作翔

雙燕何翩翩。飛去仍徊徨。依依止畫閣。繾綣鳴
東廂。昔來屈陽節。今去易寒涼。祇恐秋風高。海
路多煙霜。雙飛入君戶。雙棲在君梁。被蒙君仁
惠。彈射不相防。養雛毛羽成。送雛還故鄉。雖無

黃雀報歲願巢君堂

去婦詞

娟娟竹竿釣魴及鯉魴鯉可食竹竿何以子有
錦衣莫忘布襦子有旨酒莫忘糟糠賤妾嫁君
所期偕老紅顏難長倏已白首白首雖可出不
念紅顏日

鍾麻篇

鍾麻糞滿丘種葵糞滿園孤生易摧悴獨立多

憂思當行思故旅當食思故歡先機失所豫臨
事徒嗟嘆升蕭艾乃至鉏桂致傷蘭物理有相
附疇能識其端斷金俟同志抱玉灘自宣交結
良匪易君當圖未然

月食篇

仲夏月食月半缺仲冬月食食之既皇皇下民
亦孔之惓燁燁其魄有物薄之彼盈而微實慶
之宜今此下民孰使爾告災嗟嗟亦惓孔哀有

燁
一作煜

烈其風自伊天阻雲旗載揚
勝警奏鼓率彼下土訴于帝所
訴于帝所光復于天光復于天
其明用愆照臨爾下民

國士行

漆身為厲吞炭為啞更名入宮
廁變形伏雖橋下視雙言鬼
猶得斬雙言衣生有國士名
死為壯士哀

誰謂河廣行

誰謂河廣濁不見泰山孟孟
孟水之清可別娘與妍

清濁苟異小大安足言君子知之
眾人皆茫然

下宮行

下宮兵來圍朔妻置兒袴中兒不啼
一索不得當再索孤兒那可活
嗟杵臼爾為朔客我為友立孤
誠難死何有嗟程嬰女當徐死
難當事爾彊為難我為易千金詐
賣趙氏子真孤乃存杵臼死復趙
社嬰刎頭報死者

易水行

寒風夕吹易水波。漸離擊筑荆鄉歌。白衣灑淚
當徂路。日落登車去不顧。秦王殿上開地圖。舞
陽色阻那敢呼。手持七首摘銅柱。事已不成空
罵倨。噓嗟燕丹寡謀當戒身。光也自刎何足
云。惜哉枉殺樊將軍。

興隆祀丁田

籥朱竿揚朱絃。鳴鐘朗鼓各在懸。月津西日次
丁牲全醴成。告于庭。解一夕哉斯道渝。以失天啓

神聖我祖出。用夏變夷四海一。遐土之人炳文

質。解二昔者子欲居九夷。百世之下乃享于茲。猗

與斯道垂憲。靡遺。解三浩浩皇皇八荒九州。罔或

靡知。罔或靡由。曷知曷由。我祖之休。解四

君子有所思行。一字起十字止。

猗君子有所思。居高無民不如守卑。衣錦負薪
入市見嗤。神龍在涪淖。及爲魚鱉。譏鳳凰不得
地。翻身避群雞。騏驎雖能千里。逐鼠堂上不如

狸丈夫秉性天所定。流俗是非何足移。水中馬
與陸地之魚。曷謂失所。豈能久湏。寧爲地上特
生之野草。不能爲茂樹。負巖壙而居。

燕鄴泥

君不見燕鄴泥爲巢。哺雛常苦饑。雛有羽翼各
自去。安能久在梁上飛。丈夫出處亦如此。貧賤
富貴皆人爲。燕鄴泥不慮哺雛勞。但慮衆雛飛
不高。

養蠶蟲詞

桑葉青替始生。桑葉莫莫替。蚕白滿箔。今年女兒
道蚕早。晝夜照蚕。恐蚕老。浮萍生葉。麥落花風
簷線絲。聞鳴車。君不見簇上蚕乾死。鳩來甚勿
食桑。甚老蚕成蛾。又生子。

嗟哉行

老鳥能啄牛能觸。嗟哉世人互傾覆。自徹其藩
盜入屋。同病者憐。同憂者噴。梟子奪鳳。衆雞不

安何得同類反相殘○彼梁可逝寧可避○禍福由
人豈天意○君不見虎雖有爪鴻有翅

雙鴈篇并序

錢水部世恩在官失偶日夕哀吟其友何
景明爲作雙鴈篇寄之

雙鴈雲中來○雍雍揚鳴音○念子中路散一飛與
一沉冥冥江湖道思歸苦不早昔爲並棲禽
爲特飛鳥飄沙戀故浦別流思故河奈何同溝

水翻作異派波鳥悲多苦音○客悲多苦言○繞
孤桐琴操我雙鴈篇

莫羅燕

羅雀莫羅燕飛在高殿殿高且深誰得見主
人垂幕高殿中燕來徘徊不敢通揚花落燕出
啄童子張羅逐黃雀黃雀入羅燕入幕

牧犢行

黃牛過虎南山下夜見白石心中怕牧童牧犢

羅

畏虎欺。挽弓邏之不敢離。削竹爲篋。萬爲箭射。
虎恨不穿虎皮。嗟汝虎尔勿歎我犢。我犢有日
頭生角。

城畧陽

扶風令城畧陽。賊來畧陽令走藏。扶風令爲登
城喚。抽刀誓眾眾不散。三日抗城。一日戰。戰不
利。今生縛見見賊罵賊危不變。畧陽城人盡爲
鬼。畧陽令生扶風死守。臣上奏驚。天子君不

見扶風令死封公卿。嗟爾畧陽之令胡爲生。

潘節婦

二十君辭房六十妾在堂。紅顏爲婦白首孀。昔
日抱女令已凶。風火炎煙黑鄰里相救失顏色。
未亡之人安所從。義我不避火天返風噫嗟嗟。妾
雖有身君無子。身未化石心不死。

高城行

高城巖巖山百堵。白日樹旗夜懸鼓。將軍戒嚴

大守武城下賊來城上穀弩樓軍轉有城人負
土噫嗟嗟城完家可全城破家為虜傳與城中
人但保城莫閉戶

南山篇并序

宏器為思親卷予為作詩文及今八年矣
宏器得貢將入京復以此冊求予詩遂為
是篇

朝采南山白石盤盤風來吹葛葛葉幡幡豈無

枝蔓念我本根翹翹粟薪靡考誰藝緝績葛絲
考則靡服筵筵間魚在留麗麗昔用為殮今用
為祭上陵折松下坂折柳遙遊子勿以行久
月不恒處日則有酉瞻彼日月思我父母

轅下駒

轅下駒鳴聲一何悲豈無萬里志弱踏安能施
詰曲羊腸坂纍纍大行谷車輪不行白日歿仰
思玉山意超忽君不見八駿日行萬里馳煙棕

景誰能拘吁嗟卒轅下駒

大復集卷第六

大復集卷第七

五言古詩五十一首

武陵以下
使集

武陵一何長遼遠不可測高林多悲風慘澹日
無色黃態啼我前白狐跳我側蛟螭蟠深淵下
見奔雲黑沙蒸水亦毒我僕饑且踣辭家忽踰
秋適此萬里國土風日以殊川城邈無極伏波
有遺響音吟餘轉悽惻何因托橫吹一寫千載憶

桃川宮四首

神宮轟飛觀結構俯層丘上翳萬年樹下映千
尺流仙蹤久已沒百代傳其由荒塗橫白雲寥
寥安可求

二

谿谷多青氣朝暮不可知雞鳴洞中樹輕暎散
華池白石流卅液靈葩耀朱蕤誰能學卅術遂
使塵網離

三

石洞無遺構空巖長松挂入深忽已陰升高稍
知霽山光晚多姿谷鄉音秋轉屬緬懷避秦者一
往成永逝

四

溪中何所有磊磊多白石紫參生其陽青松植
其北遠林高氣清絕巘夕光白何當發靈臺招
我吹簫客

自武陵至沅陵道中雜詩十首

承明播宸渙商適蠻夷州艱哉武陵山古道何
悠悠狹谷不容幘水中無行舟仰探虎豹窟俯
瞰蛟龍湫徘徊遲吾馬中心懷懍憂脩程尚延
亘我行何時休

二

群山何遙迤環峙如百城其上干青霄其下浮
雲征出没千萬態倏忽殊陰晴撫茲豁心目頗

慰羈旅情

三

亭午入大谷烈陽經中天樹木多鬱鬱蒸石坵起
焦煙掘地飲我馬數尺不得泉僕夫告飢渴揮
汗墮馬前安得萬間厦坐使清風延

四

暮投界亭驛候吏迎我前息徒茂林側飲馬山
下泉落日四巖陰餘映高樹顛坐久吏人散濁

酤聊自延

五

驅馬山上行山高何巍巍修陂接飛翼百步仍
九迴俛視煙靄中衆山鬱何壘茫然望四海萬
物亦已衰昔我別京國朱華猶未希歲節勿心復
易何時當旋歸

六

大壑百餘尺流水浩湯湯我行路中斷欲渡無

橋梁誰為理舟楫亂石不可航改轍上危棧登
茲千仞岡臨深古有戒側足以徧徨

七

叢薄彼烟臯徑路紆且微秋風振喬柯綠葉漸
以稀日入群動息林深衆響歸君看棲枝鳥大
小必相依

八

山深多樹木百里人民稀時有四五家茅茨隔

山陂沙田不可耕何以禦歲饑門前數畝園祇
收蓬與藜平明出汲澗薄暮始得炊童稚那敢
出但畏逢虎罷草黃納晚禾柔綠催官絲嗟爾
遠方人辛苦誰具知

九

山勢行轉促連峯相貫輸窈然林莽中乃復得
坦途青壁結煙靄縹緲凌虛無層阿秀嘉禾下
覆清水渠夙志好幽僻覽茲耳目娛公車雖少

延顧盼忽已踰安得鼓清瑟日坐山之隅

十

谷轉岡漸平策駕循陂陀遙望辰陽城枕山帶
長河飛甍若鱗次居人亦何多按節駐江館登
眺崇山阿南嚮聞夜絃北里揚朝歌誰云接夷
域文物殊中華

懷化驛芭蕉

兀兀芭蕉葉植此園中央
鱗鱗綠布重幄層陰蓋

高堂孟夏日初赫蕭森蔽炎光衆賓御華館四
座借虛涼四序互更謝南陸回朱陽窮秋多風
雨寒久多雪霜危叢旦夕茂綠葉日夜黃本無
松柏固安用誇其長徘徊視草莽零落同一傷
花崖梧桐
桐生何倚倚其葉何油油白雲蔭崇阿朝日照
高丘感此雨露滋愧彼蔓草儔鳳凰久不至琴
瑟誰可求吾將絙繁絃庶以宣我憂

清平令

清平縣之令不識何爲者庭前長野桑庭後長
山擯猛虎上我城青狔啼我舍昨日出城去騎
馬到部下部民道遮之持刀殺其馬入門顧妻
子所居無完瓦秋風吹樹木白日落原野永夜
空城中哀哀淚如瀉

平越

清晨發平越霧暗山益密僕夫各相戒洛遠恐

迷失薄午游氣清參差衆峯出雞鳴谿谷中始
見崖上日雲葉分杳冥高原被華實秋風起叢
林興感乃非一悠悠遠行遊歷險難具述

新添

朝登七盤坡復下九折坂長風飄落日杳杳前
山晚征夫行取薪夜入礪中飯仰視飛鳥還載
觀浮雲卷還顧望鄉邑日與親愛遠公家尚有
程安能速言返

平埧城南村三首

朝出城南村策馬入荆杞村中八九家烟火自
成里兒童候晨光稍稍荆扉啓四鄰務收穫時
復技草語昵昵何所云但言好禾黍

二

秋陰結林霏細雨洒茅室牧放止近郊牛羊不
相失廣園散花林平時藹風日長初不出門咸
知戀儔匹喧喧車馬中徒爲慕高杖懸壘富何

時可使志願畢

三

沉沉古陂水日暮寒更綠
隔陂見吾人齒維蔓纒
草屋摘禾留客飯採薪發秋不童
稚持竹竿雨中放維鷺區區化外國
猶得覩淳樸

普定

鼓絕掩山城空堂思超忽
孤燈明夕帷悄悄涼
風發落葉何飄蕭飛螢互明滅
客認臨古寺坐

待微鐘歇

羅女曲

羅女年十五自矜好顏色
山葉雜山花插髻當
首飾蠻方立門戶男女多生涯
昨聞城中市女
出男在家上市買黃絲染緝作花布
裙短衫袖
長不惜雙腳露夜行山中道
何處吹蘆笙我歌
連臂曲曲罷動郎情動郎情與郎匹
生女復長
男三年始同室

城南婦行

城南有寡婦見客泣數行自言良家女少小藏
閨房青春嬌素手白日照紅粧父母偏見憐嫁
我不出鄉前年彌虜亂腥穢入我堂弟兄各戰
死親戚俱陣亡嗟哉華豔質忍耻罹克強憂愁
雲髮變辛苦朱顏傷昨聞故夫在息消通兩方
百金贖我身三年歸舊疆歸來門巷異人少蓬
蒿長轉盼夫亦死兒女空在傍薄田無耕犢寒

臘無完裳人生固有命妾獨遭此殃况復官軍
至燒焚廬井荒主將貪賄賂百死不一償朝廷
自有法出師亦有名妾身何足道無乃乖天常

平夷二首

滇南八月中綠林何萋萋居人亦相輟教里聞
鳴雞路轉無詰曲山行少攀躋回瞻貴陽道只
尺蹊壑迷

夜宿平夷館風悲氣始淒月光皎東壁白露寒
蟄啼憑高視中原但覺衆星低長路心益壯浩
歌天之西

涪萬

孟冬氣始肅葉落北風涼寒水斂溝壑餘輝照
橋梁方舟下涪萬所歷非一疆崇朝越千里川
塗渺蒼蒼浮雲帶城邑壯麗遙且長况多古人
迹覽之心慨慷登遊豈不美滯淫非我鄉

泊雲陽江頭玩月

扁舟泊沙岸皓月出翠嶺開牕鑒清輝照我孤
燭冷高林散疎光遠渚接餘景縱橫銀漢迴三
五玉繩耿弦望幾更易客行尚殊境佳期邈山
嶽端坐令人省

涿鹿道中

以下
家集

高城鬱莽蒼求路多荆棘日氣夕以陰遊氛浩
無極城邊古時丘宿草蔓于域樹木何蕭蕭狐

狸鳴其側訪古思軒轅欽峯何由陟伊昔奮龍
戰明明庶邦式神馭飄鼎湖烏號緬玄德遺踪
邁荒野盛烈存茲國誰云戡亂功不俟干戈力
風雲變俄頃明晦古難測薄暮窮林中怒焉長
太息

渡白溝

春行傷旅思單車悵蹉跎晨眺黃金臺夕渡白
溝河求賢不可見血戰竟如何落日古原下悲

風入浩歌

叢臺

邯鄲多俠士趙地產名娼日夕高臺上歡宴殊
未央黃金飾舞榭白壁綴歌梁安見千年後空
令春草長

五平五仄體

秋原何瀟瀟耳目去雜茸枯荷猶穿塘苦瓠尚
抱隴寒風吹空林落日照古冢徘徊觀陳蹤露

下髮忽竦

迎霜降

烈風揚雲旗古角悲廣路庭前玉樹枝昨夜微
霜相度幽人躡葛屨出戶履寒素胡當戒堅冰及
此歲將暮

冬雨率然有二十韻

北風吹零雨冬熱雪不作二儀黯澹交百川莽
迴薄沙雪狸翳白晝遠望何由豁六龍墮青冥萬

象論玄朔羲和扶日行紆轡竟焉託神媧補天
裂鍊石恐遺落雨伯誰爲誅雲師爾何惡前者
十月交震雷轟城郭岸條俱含柔園卉辭吐萼
農家忍朝飢歲暮食籩雀豈無數敵禾狼籍委
秋雹徵求皮肉畫枯骨待剝剥毒擊在眼前四
季不得樂劄因見陽春所慮轉溝壑間居值泥
淖展矚翻蕭索雖無長者轍自閉寒士閣長陰
下脩麓曠色起孤岳啗啾後栖鴉悵望暮歸鶴

世途紛轉蓬生計倚叢霍永懷昔人駕冥心付
寥廓

發京邑四首

弱冠遊 皇邑相翰預時髦出入承明地四海
皆同袍浮歲奄七徂徇名虛所遭夙病糾纖質
褊性憚形勞駕言返初服行矣遂林皇轉蓬繼
本根羈鳥思故巢自顧無脩翼安能久遊遨

二

驅車出郊門杖策遵古行返顧望城闕引領內
懷傷崇京旣霄漢逶迤一何長雙觀臨馳道群
宮儼相當迅颶激擣牖游雲起縱橫漢道值全
盛纓綏爛輝光側觀青雲士鳴珮倏來翔梁生
何慷慨遼遼悲未央

三

親交遠集送飲策西山陰前瞻太行道却顧上
苑林青陽藹廢墟春氣感鳴禽所遇豈殊故郎

事自成余平時等榮樂一旦異浮沉昔者同袍
交貌若辰與參山海去靡極年運日相尋倉卒
杯酒間寧不傷離襟

四

行邁越長甸歷歷懷苦辛嶇嶇陟丘隴髣髴望
郊闡壘里接鷄犬井邑無閑人暄陽入廣陌煦
煦周原新百城豈不美風土非我鄰遙遙盼鄉
城言念故所親代越各有性所願還其貞胡爲

去桑梓鬱鬱昌風塵

度河

夙征肇延津明晨臨大河洪源下積石砥柱屹
崖峩渺渺梁宋區汗漫縱經過自非陵與岸於
安障其波揚帆赴中流匹顧莽無涯宗雲徂廣
澤迅風夕吹沙積陰不可測魚龍偃相加前無
千尺梁一葦胡足誇人生寡恒居奚異波上槎
豈無舟楫志滯泊當柰何

許下

伊昔炎漢季西京方遘患宮室燒燔盡乘輿播
草間劫遷留茲城荆棘滿頽垣橫流一以濫大
厦寧復完豺虎互馳噬鴟鴞厲飛翻日月屢薄
食風雲變無端嗟哉衆君子杖策起周旋荀公
誠偉士弘思濟其艱陳琳自南至王粲亦西還
從我藉雄辯騰步有榮觀良蹇豈同御鳳鷲不
共餐功名安足爲明義乃高賢

還至別業四首

雞鳴高樹杪狗吠墟里間家人望車徒遠客造
門端入門問所親上堂叙悲歡行人暮飢渴秉
燭具盤餐明月照西戶三星爛中天出門踐野
草白露倏已溥十年苦行役茲夕方來旋寧知
非夢寐忽忽心未安

二

詣晨親友至筐楛携所需各言平生歡念子久

離居綢繆語未畢展席臨前除園榮亦已抽况
有盤中魚人情倦懷土富貴豈常於無為泥形
迹所願恒相俱

三

依依入鄉間慘惻歷故疆行邁踰幾時所見忽
已更成人匪故識耆齒日凋喪平生所同歡轉
盼殊存止羈魂邈遐域旅柩歸中堂人命不相
持奄忽如朝霜撫事感今昔喟然執袞腸

四

彌駕及春暮比屋事耘耕時物展遐矚契我遺
俗情故林茂以密漱廬亦將成芳蘭冒紫葢園
柳尚垂榮澤葵蔓廢井瓜田依故城策杖衡門
下仰偃遂平生所願在怡親餘者奚足營世情
惡衰歇天道遍虧盈駟馬豈不貴翻覆坐相傾

七夕二首

逝節忽不處佳夕復我臨神飈汎光蕙渥露沾

華林緬彼牛女會茲端竟難謀形影惜相望胡
田接徽音飄颻翠龍駕髮髻青瑤簪長河坐移
轉素波歛西沉靈彩歛以晦游雲起層陰同歡
戀膠漆異處悲辰參翹思慕遠匹感此涕流衿

二

舉俗慕良旦好尚各有趨高樓曝紈綺貧女無
繪襦移時曜靈沒素月復已舒群居侈歡宴長
坐獨愁吁愁吁亦何爲同榻與我殊春徂秋未

返膏沐誰爲娛仰視河漢女相違復來俱要知
比翼飛各阻天一隅乖離有重覲毋使寸心渝

水曲納涼

乘月玩清夜激沆滌煩痾竹栢夾脩水微風揚
澤荷苔陰皓露溽素鱗躍于波柔條紛欵結勁
葉亦殞柯優游蕩憤志俯仰丘中阿雖無朋儕
和興言目成歌娛樂當及時千秋豈復多

雜詩二首

西陸移脩邑素節多寒陰端居屏營慮毒氣慘
人心浮颺委時卉零露傷青林仰見孤雌翔玄
鳥無遺音蟋蟀何愁苦終夜長哀吟感物興慨
嘆憂思孰能任

二

馳輝在西山返景流東隅群欣被光灼何能待
須臾重陰肅萬物樹木日夜踈叢蕙植幽闥含
榮耀前除佳人眇雲端何由致區區常恐霜霰

至委棄不我需

大復集卷第七



3

--	--	--	--	--	--	--	--	--	--

5

This image shows a page from an old book with a grid of 10 columns and 1 row. The page is heavily stained with water damage, particularly along the top and bottom edges. The grid lines are faint and the paper is discolored. There are some handwritten marks, including the number '3' on the left margin and '5' on the right margin. The page is otherwise blank.

